

漢魏六朝百三家集

周北

庾開府

第九十二冊

EAST ASIAN LIBRARY
RMT 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V. 92

東坡集

庾
開
府
集

庾開府集題詞

周滕王適序庾開府集云子山妙擅
文詞尤工詩賦誄潘安而碑蔡邕箴
楊雄而書阮籍也稱重至矣庾氏家
世南陽聲譽獨步子山父子出入禁
闥爲梁文人雀航之戰倒徒先奔違

才易務任非其器後羈長安臣于宇
文陳帝通好請還終留不遣雖周宗
好士滕趙賞音築宮虛館交齊布素
而南冠西河旅人發嘆鄉關之思僅
寄于哀江南一賦其視徐孝穆得返
舊都奚啻李都尉之望蘇屬國哉子

山在梁每一文出京都傳誦初使北方人頗輕之讀枯樹賦始知敬重盛名易地橘枳改觀難爲淺見寡聞者道也史評庾詩綺豔杜工部又稱其清新老成此六字者詩家難兼子山備之玉臺瓊樓未易幾及文與孝穆

敵體辭生于情氣餘於彩乃其獨優
令狐謨史詆爲淫放輕險詞賦罪人
夫唐人文章去徐庾最近窮形寫態
模範是出而敢于毀侮殆將諱所自
來先縱尋斧歟

婁東張溥題

庾開府集序

滕王宇文適撰

蓋聞五聲調應，則宮徵成其文，八音克諧，則絃管和其韻。所以周南召南之篇，爲風人之首，小雅大雅之作，寔王政之由。復有陽春白雪之唱，郢中之曲，彌高。秋風黃竹之詞，伊上之才，尤盛。遂能弘孝敬，叙人倫，移風俗，化天下，兼夫吟詠情性，沉鬱文章者，可畧而言也。開府司宗中大。夫義城公庾信，字子山，南陽新野人也。若夫有

周之崑掌庾源其得姓。皇晉之代，大尉闡其宗譜。烏奕氤氲，布在方冊。國史家謀，世並詳焉。八世祖滔，散騎常侍，領大著作，遂昌縣侯。祖易，徵士，隱遁無悶，確乎不拔。宋終齊季，早擅英聲。父肩吾，散騎常侍，中書令，文宗學府，智囊義窟，鴻名重譽，獨步江南。信降山岳之隆，緼烟霞之秀。妙善文詞，尤工詩賦，誄奪安仁之美，碑有伯喈之情。箴似揚雄，書同阮籍。綺年而播華譽，齠歲而有俊名。孝性自然，仁心獨秀。忠爲令德，言及

文詞穿壁未勤。映螢逾甚。若乃德聖兩禮。韓魯
四詩。九流七略之文。萬卷百家之說。名山海上
金匱玉版之書。魯壁魏墳。縹帙緇囊之記。莫不
窮其枝葉。誦其篇簡。豈止仲任一見之敏。世叔
五行之速。年十五侍梁東宮講讀。雖桓麟十四
之歲。答宿客之詩。魯連十二之年。杜離堅之辨。
匪或斯尚。同日語哉。玉墀射策。高等甲科。公孫
金馬之昔。仲舒鴻漸之日。未能連類。魯何足云。
解褐授安南府行參軍。尺木未階。高衢方騁。尋

轉尚書度支郎中。夜不離閣。無愧於黃香。開霧
覩天真。同於樂廣。仍爲郢州別駕。刺史之半驥
足斯展。於昔江路有賊。梁先主使信與湘東王
論中流水戰事。醜徒聞其名德。遂卽散奔。深爲
梁主所賞。蓋善戰者不陣。此之謂乎。兼通直常
侍。使于魏土。接對有才辨。雖子貢之旗鼓陳說。
仲山之專對智謀。無以加也。還本國爲正員郎。
職位清顯。以望以實。又爲東宮領直。春官兵馬。
並受節度。龍樓蘭綺。寵寄逾隆。值侯景篡逆。攻

圍淮海建康宮殿。非無流矢之兵。丹陽帝居。遂
有生荆之痛。出往上流。來歸全楚。於昔州后。卽
湘東王。封豕旣誅。長蛇受戮。湘東有雪耻之功。
淮海有勤王之旅。同少康之復夏。若太戊之紹
殷。卽於荆江。驟置文物。復爲梁後主。蕭繹御史
中丞。中興司直。具瞻斯在。貴戚歛手。豪族屏氣。
遷散騎常侍。右衛將軍。豐貂右珥。戎章再徙。阮
籍非好之職。鄭默叅乘之官。著德廊廟。切問近
對。拜武康縣開國侯。開國承家。信圭是執。河帶

山礪貽厥于后，卽以本官奉使大國，光華重出，原隰再來。太祖夾輔魏朝，作相關右，三分有二，九合一匡，德邁晉宣，雄逾魏武，功高網地，道映在田。一見子山，賜職如舊，屬我太祖，獻策魏帝，命將荆衡，尋值本朝，青蓋入洛，於是拾節入仕，乃沐霸恩，改授使持節車騎大將軍儀同三司，戎號光隆，比儀台鉉，高官美宦，有踰舊國，又遷驃騎大將軍開府義城公，王沉晉代，始授此榮，黃權魏昔，首膺斯命，降在季世，秩居上品，爵爲

五等榮貴兩朝出爲弘農郡守。職實剖符。寄深
分竹。佩犢帶牛。有侔龔遂。桑枝麥穗。無謝張堪。
人爲司憲中大夫。帥掌三赦之法。助宣五禁之
書。秋府得人於斯。爲盛。出爲洛州刺史。德茂塞
帷才膺。刺舉吏不敢賄。人不忍欺。上洛童兒。如
迎郭伋。商山故老。似值劉弘。復爲司宗中大夫。
總轄禮府。佐治春卿。辨九拜之儀。教六詩之義。
自梁朝筮仕。周世驅馳。至今歲在屠維。龍居淵
獻。春秋六十有七齒。雖耆宿文更新。竒才子詞

人莫不師教。王公名貴。盡爲虛襟。加以冥心資敬。篤信天倫。孝實人師。刑推士則。愠喜不形于色。忠恕不離于懷。矜簡儼然。師心獨往。似陸機之愛弟。若韓康之養甥。環堵之間。怡怡如也。太祖所知。江陵名士。惟信而已。綢繆禮遇。造次推恩。明帝守文。偏加引接。武皇英主。彌相委寄。密勿王事。多厯歲年。自携老入關。亟移灰琯。烝烝色養。勤同扇席。及丁母憂。杖而後起。病不勝哀。青鸞降宿。樹之祥。白雉有依。欄之感。晉國公廟。

期受托爲世賢輔。見信孝情毀至。每日憫嗟。嘗
語人曰。庾信南人羈士。至孝天然。居喪過禮。殆
將滅性。寡人一見。遂不忍看。其至德如此。昔在
揚都。有集十四卷。值太清罹亂。百不一存。及到
江陵。又有三卷。卽重遭軍火。一字無遺。今之所
撰止八魏已來。爰洎皇代。凡所著述。合二十卷。
分成兩帙。余與子山風期款密。情均縞紵。契比
金蘭。欲余製序。聊命翰札。幸無愧色。非有綢章。
方當貽範。縉紳懸諸日月焉。

又言謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

謂之謂之謂之謂之謂之謂之謂之謂之

庾開府集目錄

卷之一

賦

三月三日華林園馬射賦 有序

哀江南賦 有序

傷心賦 有序

小園賦

春賦

七夕賦

蕩子賦

竹杖賦

叩竹杖賦

象戲賦

鏡賦

燈賦

對燭賦

枯樹賦

鴛鴦賦

表

賀傳位皇太子表

賀平鄴都表

賀新樂表

請功臣襲封表

爲杞公讓宗師驃騎表

爲閻大將軍乞致仕表

代人乞致仕表

爲晉陽公進玉律秤尺斗升表

進象經賦表

齊王進蒼烏表

齊王進白兔表

齊王進赤雀表

啓

謝滕王集序啓

謝周明帝賜絲布等啓

答趙王啓

謝趙王示新詩啓

謝趙王賚絲布等啓

謝趙王賚絲布啓

又謝趙王賚息絲布啓

謝趙王賚犀帶等啓

謝滕王賚巾啓

謝趙王賚白羅袍袴啓

謝趙王賚米啓

謝趙王賚乾魚啓

謝趙王賚雉啓

謝趙王賚馬并繖啓

謝滕王賚馬啓

謝滕王賚猪啓

書

爲梁上黃侯世子與婦書

移文

移齊河陽執事文

又移齊河陽執事文

移虜留使文

教

答移市教

連珠

擬連珠四十四首

序

趙國公集序

碑

陝州弘農郡五張寺經藏碑

溫湯碑

銘

秦州天水郡麥積崖佛龕銘

有序

終南山義谷銘

有序

思舊銘

有序

梁東宮行雨山銘

東宮玉帳山銘

吹臺山銘

至仁山銘

望美人山銘

明月山銘

刀銘三首

贊

自古聖帝名賢贊二十七首

黃帝見廣成子

堯登壇受圖

舜舞于戚

禹渡江

湯解祝網

文王見呂尚

武丁迎傳說

成王刻桐葉封虞

漢高祖置酒沛宮

漢武帝聚書

袁盎諫文帝

朱雲折檻

周公戒伯禽

五月披裘負薪

王祥叩冰魚躍

孫叔敖逢蛇

高鳳好書不知流麥

張良遇黃石公

師尚父授丹書

榮啓期三樂

夫子見程生

鉏麇見趙盾

蔡澤就唐生相

李陵蘇武別

樊噲見項王

秦穆公飲盜駿馬

延陵季子遇徐君

鶴贊

有引

神道碑

周上柱國齊王憲神道碑

周太子太保步陸逞神道碑

周大將軍司馬裔神道碑

周柱國大將軍長孫儉神道碑

周柱國大將軍紇干弘神道碑

周大將軍崔詵神道碑

周車騎將軍賀婁慈神道碑

周上柱國宿國公河州都督普屯威神

道碑

周兗州刺史廣饒公鄭常神道碑

周隴右總管長史贈少保豆盧永恩神

道碑

周柱國大將軍大都督同州刺史爾綿
永神道碑

周柱國楚國公岐州刺史慕容甯神道
碑

傳

周使持節大將軍廣化郡開國公邱乃
敦崇傳

墓誌銘

周大將軍聞喜公柳霞墓誌銘

周大將軍襄城公鄭偉墓誌銘

周大將軍瑯琊定公司馬裔墓誌銘

周大將軍上開府廣饒公鄭常墓誌銘

周大將軍義興公蕭太墓誌銘

周大將軍懷德公吳明徹墓誌銘

周大將軍幽國公趙廣墓誌銘

周驃騎大將軍開府侯莫陳道生墓誌

銘

周車騎大將軍贈小司空宇文顯和墓

誌銘

周譙國公夫人步陸孤氏墓誌銘

周趙國公夫人紇豆陵氏墓誌銘

周安昌公夫人鄭氏墓誌銘

周大將軍隴東郡公侯莫陳君夫人竇

氏墓誌銘

周冠軍公夫人烏石蘭氏墓誌銘

周太傅鄭國公夫人鄭氏墓誌銘

後魏驃騎將軍荊州刺史賀拔夫人元

氏墓誌銘

周大都督陽林伯長孫夫人羅氏墓誌

銘

周儀同松滋公拓跋夫人尉遲氏墓誌

銘

周驃騎大將軍冠軍伯柴夫人李氏墓

誌銘

卷之二

樂府

周祀圜邱歌十二首

昭夏 降神

皇夏 皇帝入門

昭夏 俎入

昭夏 奠玉帛

皇夏 皇帝升壇

雲門舞 初獻

雲門舞 初獻配帝

登歌 初獻及獻配帝畢奏

皇夏
飲福酒

雍夏
撤奠

皇夏
就望燎位

皇夏
還便殿

周祀方澤歌四首

昭夏
降神

昭夏
奠玉帛

登歌
初獻

皇夏
望坎位

周祀五帝歌十二首

皇夏

帝莫玉

皇夏

初獻

青帝雲門舞

以下並初獻奏

配帝舞

赤帝雲門舞

配帝舞

黃帝雲門舞

配帝舞

白帝雲門舞

配帝舞

黑帝雲門舞

配帝舞

周宗廟歌十二首

皇夏

皇帝入廟門

昭夏

降神

皇夏

俎入帝升階

皇夏

獻皇高祖

皇夏

獻皇魯祖
德皇帝

皇夏

獻皇祖太
祖文皇帝

皇夏

獻文宣
皇太后

皇夏

獻閔
皇帝

皇夏

獻明
皇帝

皇夏

獻高祖
武皇帝

皇夏

飲福
酒

皇夏

還便
殿

周大裕歌二首

昭夏 降神

登歌 奠玉帛

周五聲調曲二十四首 有序

宮調曲五首

變宮調二首

商調曲四首

角調曲二首

徵調曲六首

羽調曲五首

對酒歌

昭君辭應詔

王昭君

出自薊北門行

結客少年場行

道士步虛詞十首

烏夜啼

怨歌行

舞媚娘

烏夜啼

燕歌行

楊柳歌

詩

奉和泛江

奉和山池

陪駕幸終南山和宇文內史

和宇文內史春日遊山

遊山

和宇文京兆遊田

奉報寄洛州

奉和窮秋寄隱士

上益州上柱國趙王二首

謹贈司寇淮南公

正旦上司憲府

任洛州酬薛文學見贈別

將命至鄴

將命至鄴酬祖正員

入彭城館

同州還

從駕觀講武

奉報趙王出師在道賜詩

和趙王送峽中軍

奉和趙王途中五韻

侍從徐國公殿下軍行

同盧記室從軍

伏聞遊獵

見征客始還遇獵

奉和闡弘一教應詔

至老子廟應詔

奉和趙王遊仙

奉和同泰寺浮圖

奉和法筵應詔

和從駕登雲居寺塔

和何儀同講竟述懷

奉和趙王隱士

擬咏懷二十七首

和張侍中述懷

奉和示內人

奉和趙王美人春日

奉和趙王春日

夢八堂內

和詠舞

夜聞搗衣

預麟趾殿校書和劉儀同

和宇文內史入重陽閣

忝在司水看治渭橋

北園新齋成應趙王教

同會河陽公新造山池聊得寓目

登州中新閣

歲晚出橫門

北園射堂新成

園庭

歸田

寒園卽目

幽居值春

臥疾窮愁

山齋

望野

蒙賜酒

奉報趙王惠酒

有喜致酒

喜晴應詔

同顏大夫初晴

奉和趙王喜雨

和李司錄喜雨

郊行值雪

奉和趙王西京路春旦

奉和夏日應令

和樂儀同苦熱

和裴儀同秋日

詠園花

西門豹廟

和王少保遙傷周處士

傷王司徒褒

仰和何僕射還宅懷故

送吳法師葬

和人日晚景宴昆明池

對宴齊使

聘齊秋晚館中飲酒

奉和濬池初成清晨臨泛

和炅法師遊昆明池二首

見遊春人

別周尚書弘正

別張洗馬樞

別庾七八蜀

將命使北始渡瓜步江

反命河朔始入武州

冬狩行四韻連句應詔

和王內史從駕狩

八道士館

奉和永豐殿下言志十首

率爾成詠

慨然成詠

奉和賜曹美人

和趙王看妓

奉答賜酒

奉答賜酒驚

正旦蒙趙王賚酒

衛王贈桑落酒奉答

就蒲州使君乞酒

蒲州刺史中山公許乞酒一車未送

答王司空餉酒

舟中望月

望月

對雨

喜晴

詠春近餘雪應詔

奉和初秋

晚秋

秋潁川公秋夜

詠畫屏風詩一十五首

鏡

梅花

詠樹

鬪雞

應令

東開府集

目錄

七

杏花

集周公處連句

寄徐陵

寄王琳

奉和趙王

和劉儀同臻

和庾四

和侃法師三絕

送周尚書弘正二首

重別周尚書二首

贈別

徐報使來止得一相見

行途賦得四更應詔

和江中賈客

奉和平鄴應詔

送衛王南征

仙山二首

山齋

野步

山中

閨怨

和趙王看妓

看舞

聽歌

暮春野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞絃斷

弄琴二首

詠羽扇

題結綫袋子

賦得鸞臺

賦得集池鴈

詠鴈

忽見檳榔

賦得荷

移樹

奉梨

傷往二首

春日離合二首

和湘東王後園廻文

問疾示封中錄

示封中錄二首

秋夜望單飛鴈

代人傷往二首

附錄

本傳

庾開府集目錄終

庾開府集卷之一

周新野庾 信著

明太倉張 溥閱

賦

三月三日華林園馬射賦

有序

臣聞堯以仲春之月刻玉而遊河。舜以甲子之朝披圖而巡洛。夏后瑤臺之上。或御二龍。周王玄圃之前。猶驂八駿。我大周之創業也。南正司天。北正司地。平九黎之亂。定三危之罪。雲紀御

官。鳥司從職。皇王有秉歷之符。立珪有成功之瑞。豈直天地合德。日月光華而已哉。皇帝以上聖之姿。膺下武之運。通乾象之靈。啟神明之德。夷典秩宗。見之三禮。夔爲樂正。聞之九成。克已備於禮容。威風總於戎政。加以卑躬菲食。阜帳綈衣。百姓爲心。四海爲念。西郊不雨。卽動皇情。東作未登。彌廻天眷。兵革無會。非有待於丹鳥。宮觀不移。故無勞於白鷺。銀瓮金船。山車澤馬。豈止竹葦兩草。共垂甘露。青赤一氣。同爲景星。

雕題鑿齒。識海水而來王。烏弋黃支。驗東風而
受吏。於時立鳥司厯。蒼龍御行。羔獻冰開。桐華
萍生。皇帝幸於華林之園。玉衡正而泰階平。閭
闔開而勾陳轉。千乘雷動。萬騎雲屯。落花與芝
蓋同飛。楊柳共春旗一色。乃命羣臣陳大射之
禮。雖行袞襖之飲。卽同春蒐之儀。止立行宮。裁
舒帳殿。階無玉壁。旣異河間之碑。戶不金鋪。殊
非許昌之賦。洞庭旣張。承雲乃奏。騶虞九節。狸
首七章。正繪五彩之雲壺。甯百福之酒唐弓。九

合冬幹春膠。夏箭三成。青莖赤羽。于是選朱汗
之馬。校黃金之埒。紅陽飛鵲。紫鷺晨風。唐成公
之驕驕。海西侯之千里。莫不飲羽御竿。吟猿落
鴈。鐘鼓震地。埃塵漲天。酒以壘行。銷繇鼎進。綵
則錦市俱移。錢則銅山合徙。太史聽鼓而論功。
司馬張旃而賞獲。上則雲布雨施。下則山藏海
納。實天下之至樂。景福之歡欣者也。旣若木將
低。金波欲上。天顧惟穆。賓歌惟醉。雖復暫離北
闕。聊宴西城。卽同鄠水之朝。更是岐山之會。小

臣不舉奉詔爲文以管窺天以蠡酌海盛德形容豈陳梗槩

歲次昭陽月在大梁其日上巳其時少陽春史司職青祗效祥徵萬騎於平樂開千門於建章屬車醞酒複道焚香皇帝翊四圍於帝閑迴六龍於天苑對宜曲之平林望甘泉之長坂華蓋平飛風鳥細轉路直城遙林長騎遠帷宮宿設帳殿開筵旁臨細柳斜界宜年開鶴列之陣靡魚鬚之旃行漏抱刻前旌載鳶河湄薤草渭口

澆泉、朔雲五色，的暈重圓。陽管旣調，春絃實撫。
總章協律，成均樹羽。翔鳳爲林，靈芝爲圃。艸御
長帶，桐垂細乳。鳥嘽歌來，花濃雪聚。玉律調鐘，
金鐔節鼓。於是咀銜拉鐵，逐日追風。并試長楸
之埒，俱下蘭池之官。鳴鞭則汗赭，入埒則塵紅。
旣觀賢於大射，乃頒政於司弓。變三驅而畫鹿，
登百尺而懸熊。繁弱振地，鐵驪蹋空。禮正六耦，
詩歌九節。七札俱穿，五貳同穴。弓如明月對棚，
馬似浮雲向埒。鴈失羣而行斷，猿求林而路絕。

控玉勒而搖星跨金鞍而動月乃有六郡良家
五陵豪選新迴馬邑之兵始罷龍城之戰將軍
戎服來叅武讌尙帶流星猶乘奔電始聽鼓而
唱籌卽移竽而標箭馬噴沾衣塵驚灑面石堰
水而澆園花乘風而繞殿熊耳刻杯飛雲畫壘
水衡之錢山積織室之錦霞開司筵賞至酒正
杯來至樂則賢乎秋水歡笑則勝上春臺旣而
日下澤宮筵闌相圍悵徙蹕之留歡眷迴鑾之
餘舞欲使石梁銜箭銅山飲羽橫弧於楚水之

蛟飛鏃於吳亭之虎。況復恭已無爲。南風在斯。
非有心於挺翼。豈畱情於戟枝。唯觀揖讓之禮。
蓋取威雄之儀。

哀江南賦

有序

粵以戊辰之年。建亥之月。大盜移國。金陵瓦解。
余乃竄身荒谷。公私塗炭。華陽奔命。有去無歸。
中興道銷。窮於甲戌。三日哭於都亭。三年囚于
別館。天道周星。物極不反。傳燹之但悲身世。無
處求生。袁安之每念王室。自然流涕。昔桓君山

之志事杜元凱之平生。竝有著書。咸能自序。潘
岳之文彩。始述家風。陸機之詞賦。多陳世德。信
年始二毛。卽逢喪亂。藐視流離。至于暮齒。燕歌
遠別。悲不自勝。楚老相逢。泣將何及。畏南山之
雨。忽踐秦庭。讓東海之濱。遂食周粟。下亭漂泊。
臯橋羈旅。楚歌非取樂之方。魯酒無忘憂之用。
追爲此賦。聊以記言。不無危苦之詞。唯以悲哀。
爲主。日暮途遠。人間何世。將軍一去。大樹颺零。
壯士不還。寒風蕭瑟。荆壁睨柱。受連城而見欺。

載書橫階。捧珠盤而。不定。鍾儀君子。入就南冠。之囚。季孫行人。留守西河之館。申包胥之頓地。碎之以首。蔡威公之淚盡。加之以血。釣臺移柳。非玉關之可望。華亭鶴唳。豈河橋之可聞。孫策以天下爲三分。衆纔一旅。項籍用江東之子弟。入唯八千。遂乃分裂山河。宰割天下。豈有百萬義師。一朝卷甲。芟夷斬伐。如草木焉。江淮無涯。岍之阻。亭壁無藩離之固。頭會箕歛者。合從締交。鋤耨棘矜者。因利乘便。將非江表王氣。終於

三百年乎。是知併吞六合。不免軼道之災。混一車書。無救平陽之禍。嗚呼。山嶽崩頽。旣履危亡之運。春秋迭代。必有去故之悲。天意人事。可以悽愴傷心者矣。况復舟楫路窮。星漢非乘槎可上。風颺道阻。蓬萊無可到之期。窮者欲達其言。勞者須歌其事。陸士衡聞而撫掌。是所甘心。張平子見而陋之。固其宜矣。

我之掌庾承周。以世功而爲族。經邦佐漢。用論道而當官。稟嵩華之玉石。潤河洛之波瀾。居負

洛而重世。邑臨河而晏安。逮永嘉之艱虞。始中原之乏主。民枕倚於墻壁。路交橫於豺虎。值五馬之南奔。逢三星之東聚。彼凌江而建國。此播遷於吾祖。分南陽而賜田。裂東嶽而胙土。誅茅宋玉之宅。穿徑臨江之府。水木交運。山川崩竭。家有直道。人多全節。訓子見于純深。事君彰於義烈。新野有生祠之廟。河南有胡書之碣。況乃少微真人。天山逸民。階庭空谷。門巷蒲輪。移譚講樹。就簡書筠。降生世德。載誕貞臣。文詞高于

甲觀模楷盛于漳濱。嗟有道而無鳳。歎非時而有麟。旣姦回之鼎匿。終不悅於仁人。王子洛濱之歲。蘭成射策之年。始含香於建禮。仍矯翼於崇賢。遊游雷之講肆。齒明離之胄筵。旣傾蠶而酌海。遂側管以窺天。方塘水白。釣渚池圓。侍戎韜于武帳。聽雅曲於文絃。乃解懸而通藉。遂崇文而會武。居筌輶而掌兵。出蘭池而典午。論兵於江漢之君。拭玉於河西之主。于時朝野歡娛。池臺鐘鼓。里爲冠蓋。門成鄒魯。連茂苑於海陵。

跨橫塘于江浦。東門則鞭石成橋。南極則鑄銅
爲柱。樹則園植萬株。竹則家封千戶。西賁浮玉。
南睽沒羽。吳歛越吟。荆豔楚舞。草木之藉春陽。
魚龍之得風雨。五十年中。江表無事。王歛爲鯀。
親之侯。班超爲定遠之使。馬武無預于兵甲。馮
唐不論於將帥。豈知山嶽闇然。江湖潛沸。漁陽
有問左戍卒。離石有將兵都尉。天子方刪詩書。
定禮樂。設重雲之講。開士林之學。譚切燼之灰。
飛辯常星之夜。落地平魚齒。城危獸角臥。刁斗

干柴陽絆龍媒干平樂。宰衡以干戈爲兒戲。樽
紳以清譚爲廟略。乘漬水以膠船。馭奔駒以朽
索。小人則將及水火。君子則方成猿鶴。弊算不
能救鹽池之鹹。阿膠不能止黃河之濁。旣而魴
魚。鱖尾。四郊多壘。殿狎江鷗。宮鳴埜雉。湛盧去
國。鯨鯢失水。見被髮于伊川。知其時野爲戎矣。
彼姦逆之熾盛。久遊魂而放命。大則有鯨有鯢。
小則爲梟爲獍。負其牛羊之力。凶其水艸之性。
非玉燭之能調。豈璿璣之可正。值天下之無爲。

尚有欲于羈縻。飲其琉璃之酒。賞其虎豹之皮。
見胡桐于大夏。識鳥卵于條支。豺牙密厲。虺毒
潛吹。輕九鼎而欲問。聞三山而遂窺。始則王子
召戎。姦臣介冑。旣官政而離邊。遂師言而泄漏。
望廷尉之逋囚。反淮南之窮寇。飛狄泉之蒼鳥。
起橫江之困獸。地則石鼓鳴山。天則金精動宿。
北闕龍吟。東陵麟鬪。爾乃桀黠橫扇。馮陵畿甸。
擁狼望于黃圖。填廬山于赤縣。青袍如艸。白馬
如練。天子履端廢朝。單于長圍高宴。兩觀當戟。

千門受箭。白虹貫日。蒼鷹擊殿。競遭夏臺之禍。
遂視堯城之變。官守無奔。問之人。干戚非平戎
之戰。陶侃則空裝米船。顧榮則虛搖羽扇。將軍
死綏。路絕重圍。烽隨星落。書逐鳶飛。遂乃韓分
趙裂。鼓臥旂折。失羣班馬。迷輪亂轍。猛士嬰城。
謀臣卷舌。昆陽之戰。象走林。常山之陣。蛇奔穴。
五郡則兄弟相悲。三州則父子離別。護軍慷慨。
忠能死節。二世爲將。終於此滅。濟陽忠壯。身叅
末將。兄弟三人。義聲俱唱。主辱臣死。名存身喪。

狄人歸元。三軍悽愴。尚書多算。守備是長。雲梯
可拒。地道能防。有齊將之閉壁。無燕師之臥牆。
大事去矣。人之云亡。申子奮發。勇氣咆勃。定總
元戎。身先士卒。胄落魚門。兵填馬窟。屢犯通中。
頻遭刮骨。功業夭枉。身名埋沒。或以隼翼鸚披。
虎威狐假。沾漬鋒鏑。脂膏原野。兵弱虜強。城孤
氣寡。聞鶴淚而虛驚。聽胡笳而淚下。拒神亭而
亡戟。臨橫江而棄馬。崩于鉅鹿之沙。碎于長平
之瓦。於是桂林顛覆。長洲麋鹿。潰潰沸騰。茫茫

塥躡天地離阻。人神怨酷。晉鄭靡依。魯衛不睦。
競動天關。爭迴地軸。探雀穀而未飽。待熊蹯而
詎熟。乃有車側郭門。筋懸廟屋。鬼同曹社之謀。
人有秦庭之哭。爾乃假刻璽于關塞。稱使者之
訓對。逢鄂坂之譏嫌。值郾門之征税。乘白馬而
不前。策青騾而轉礙。吹落葉之扁舟。颺長飈于
上遊。彼鋸牙而鈎爪。又巡江而習流。排青龍之
戰艦。鬪飛鷺之船樓。張遼臨於赤壁。王濬下於
巴邱。乍風驚而射火。或箭重而回舟。未辨聲於

黃蓋已先沉于杜侯。落帆黃鶴之浦。藏船鸚鵡之洲。路已分于湘漢。星猶看於斗牛。若乃陰陵失路。釣臺斜趣。望赤岨而沾衣。艤烏江而不渡。雷池柵浦。鵲陵焚戍。旅舍無烟。巢禽失樹。謂荆衡之杞梓。庶江漢之可恃。淮海維揚。三千餘里。過漂渚而寄食。託蘆中而渡水。屈於七澤。濱於十死。嗟天保之未定。見殷憂之方始。本不達於危行。又無情於祿仕。謬掌衛於中軍。誤尸丞於御史。信生世等於龍門。辭親同於河洛。奉立身

之遺訓。受成書之顧託。昔三世而無慙。今七葉而始落。泣風雨於梁山。惟枯魚之銜索。入歆斜之小徑。掩蓬藿之荒扉。就汀洲之杜若。待蘆葦之單衣。於昔西楚霸王。劒及繁陽。鏖兵金匱。校戰玉堂。蒼鷹赤雀。鏤舳牙檣。沉白馬而誓衆。負黃龍而渡湘。海潮迎艦。江萍送王。戎車屯於石城。戈船掩乎淮泗。諸侯則鄭伯前驅。盟主則荀瑩暮至。剖巢燠穴。奔魍走魅。埋長狄於駒門。斬蚩尤於中冀。然腹爲燈。飲頭爲器。直虹貫壘。長

星屬地。昔之虎據龍蟠。加以黃旗紫氣。莫不隨
狐兔而窟穴。與風塵而殄悴。西瞻博望。北臨立
圃。月榭風臺。池平樹古。倚弓於玉女窗扉。繫馬
於鳳凰樓柱。仁壽之鏡徒懸。茂陵之書空聚。若
夫立德立言。謨明寅亮。聲超於繫表。道高於河
上。旣不遇於浮邱。遂無言於師曠。捐愛子而託
人。知西陵而誰望。非無北闕之兵。猶有雲臺之
仗。司徒之表裏經綸。狐偃之惟王寔勤。橫琕戈
而對霸主。執金鼓而問賊臣。平吳之功。壯於柱

元凱。王室是賴。深於溫太真。始則地名全節。終則山稱枉人。南陽較書。去之已遠。上蔡逐獵。知之何晚。鎮北之負譽矜前。風颺凜然。水神遭箭。山靈見鞭。是以螫熊傷馬。浮蛟沒船。才子併命。俱非百年。中宗之夷凶靖亂。大雪冤耻。去代邸而承基。遷唐郊而纂祀。反舊章於司隸。歸餘風於正始。沉猜則方逞其欲。藏疾則自矜於已。天下之事沒焉。諸侯之心搖矣。旣而齊交北絕。秦患西起。况背關而懷楚。異端委而開吳。驅綠林

之散卒。拒驪山之叛徒。營軍梁澁。蒐乘巴渝。問
諸淫昏之鬼。求之厭劾之巫。荆門遭廩延之戮。
夏口濫逵泉之誅。蔑因親於教愛。忍齟樂於讎
弧。旣無謀於肉食。非所望於論都。未深思於五
難。先自擅於三端。登陽城而避險。臥砥柱而求
安。旣言多於忌刻。寔志勇於刑殘。俱坐觀於岢
變。本無情於急難。地惟黑子。城猶彈丸。其怨則
黷。其盟則寒。豈冤禽之能塞海。非愚叟之可移
山。況以沴氣朝浮。妖精夜殞。赤烏則三朝夾日。

暮雲則七里圍軫。亡吳之歲旣窮。入郢之年斯盡。周含鄭怒。楚結秦冤。有南風之不競。值西隣之責言。俄而梯衝亂舞。冀馬雲屯。棧秦車於暢穀。沓漢鼓於雷門。下陳倉而連弩。渡臨晉而橫船。雖復楚有七澤。人稱三戶。箭不麗於六麋。雷無驚於九虎。辭洞庭兮落木。去潯陽兮極浦。熾火兮焚旗。貞風兮害蠱。乃使玉軸揚灰。龍文研柱。下江餘城。長林故營。徒思籍馬之秣。未見燒牛之兵。章曼支以轂走。官之奇以族行。河無冰

而馬渡。關未曉而雞鳴。忠臣解骨。君子吞聲。章
華望祭之所。雲夢僞遊之地。荒谷縊於莫敖。冶
父囚乎羣帥。劓笄摺杙。鷹鷂批攢。冤霜夏零。憤
泉秋沸。城崩杞嬭之哭。竹染湘妃之淚。水毒秦
涇。山高趙陁。十里五里。長亭短亭。饑隨螻蛄。閭
逐流螢。秦中水黑。關上泥青。於豈瓦解。冰泮風
飛。電散。渾然千里。淄澠一亂。雪暗如沙。冰橫似
岸。逢赴洛之陸機。見離家之王粲。莫不聞隴水
而懷位。向關山而長嘆。况復君在交河。妾在清

波石望夫而逾遠。山望子而逾多。才人之憶代
郡。公主之去清河。栩楊亭有離別之賦。臨江王
有愁思之歌。別有颺颺武威。羈旅金微。班超生
而望返。溫序死而思歸。李陵之雙鳧永去。蘇武
之一鴈空飛。若江陵之中否。乃金陵之戡始。雖
借人之外力。寔蕭牆之內起。撥亂之主忽焉。中
興之宗不祀。伯兮叔兮。同見戮於猶子。荆山鵲
飛而玉碎。隨岸虵生而珠死。鬼火亂於平林。殤
魂遊於新市。梁故豐徙。楚實秦亡。不有所廢。其

何以昌。有媯之後。將育於姜。輸我神羆。居爲讓
王。天地之大德曰生。聖人之大寶曰位。用無賴
之子孫。舉江東而全棄。惜天下之一家。遭東南
之反氣。以鶉首而賜秦。天何爲而此醉。且夫天
道迴旋。生民預焉。余烈祖於西晉。始流播於東
川。洎余身而七葉。又遭眚而北遷。提挈老幼。關
河累年。死生契濶。不可問天。况復零落。將盡靈
光。巋然日窮於紀。歲將復始。逼切危慮。端憂慕
齒。踐長樂之神臯。望宣平之貴里。渭水貫於天

門。驪山迴於地。市。暮府大將軍之愛客。丞相平
津侯之待士。見鐘鼎於金張。聞絃歌於許史。豈
知灞陵夜獵。猶是故。豈將軍。咸陽布衣。非獨思
歸王子。

傷心賦

有序

余五福無徵。三靈有譴。至於繼體。多從天折。二
男一女。竝得勝衣。金陵喪亂。相守亡歿。羈旅關
河。倏然白首。苗而不秀。頻有所悲。一女成人。長
孫孩稚。奄然立壤。何痛如之。旣傷卽事。追悼前

亡。唯覺傷心。遂以傷心爲賦。若夫入室生光。非復企及。夾河爲郡。前途逾遠。婕妤有自傷之賦。楊雄有哀祭之文。王正長有北郭之悲。謝安石有東山之恨。斯旣然矣。至若曹子建王仲宣。傅長虞。應德連。劉韜之母。任延之親。書翰傷切。文詞哀痛。千悲萬恨。何可勝言。龍門之桐。其枝已折。卷薤之草。其心寔傷。嗚呼哀哉。賦曰

悲哉秋風。搖落變哀。魂兮遠矣。何去何依。望思無望。歸來不歸。未達東門之意。空懼西河之譏。

在昔金陵、天下喪亂、王室板蕩、生民塗炭、兄弟
則五郡分張、父子則三州離散、地鼎沸於袁曹、
人豺狼於楚漢、或有擁樹罹災、藏衣遭難、未設
桑弧、先空柘館、人惟一邱、亭遂千秋、邊韶永恨
孫楚長愁、張武壯之心疾、羊南城之淚流、痛斯
傳體、尋茲世載、天道斯慈、人倫此愛、膝下龍摧、
掌中珠碎、芝在室而先枯、蘭生庭而蚤刈、命之
修短、哀哉已滿、鶴聲孤絕、猿吟腸斷、羸博之間、
路似新安、藤緘韓檣、桺掩虞棺、不封不樹、惟棘

惟樂。天慘慘而無色。雲蒼蒼而正寒。况乃流寓
秦川。飄颻播遷。從官非官。歸田不田。對玉闥而
羈旅。坐長河而暮年。已觸目於萬恨。更傷心於
九泉。至如三虎二龍。三珠兩鳳。竝有山澤之靈。
各入熊羆之夢。望隴首而不歸。出都門而長送。
對寶盃而痛心。撫玄經而流慟。石華空服。犀角
虛纂。風無少女。草不宜男。鳥毛徒覆。獸乳空含。
震爲長男之官。巽爲長女之位。在我生年。先凋
此地。人生幾何。百憂俱至。二王奉佛。二郗奉道。

必至有期何能相保。淒其零零，颺焉秋艸去矣。
黎民哀哉。仲仁、冀羊祐之前識，期張衡之後身。
一朝風燭，萬古埃塵。邱陵兮何忍，能畱兮幾人。
賦

小園賦

若夫一枝之上，巢父得安。巢之所，一壺之中。壺
公有容身之地，况乎管甯藜牀。雖穿而可坐，稽
康鍛竈。旣煖而堪眠，豈必連闥洞房。南陽樊重
之第，綠墀青瑣。西漢王根之宅，余有數畝弊廬。

寂寞人外，聊以擬伏臘。聊以避風霜，雖復晏嬰
近市，不求朝夕之利。潘岳面城，且適閒居之樂。
况乃黃鶴戒露，非有意於輪軒。爰居避風，本無
情於鐘鼓。陸機則兄弟同居，韓康則舅甥不別。
蝸角蚊睫，又足相容者也。爾乃窟室徘徊，聊同
鑿坯。桐間露落，柳下風來。琴號珠柱，書名玉牀。
有棠梨而無館，足酸棗而非臺。猶得欹側八九
丈，縱橫數十步。榆柳兩三行，梨桃百餘樹。撥蒙
密兮見窗，行欹斜兮得路。蟬有翳兮不驚，雉無

羅兮何懼。草樹混淆。枝格相交。山爲簣覆。地有
堂坳。藏狸竝窟。乳鵲重巢。連珠細菌。長柄寒匏。
可以療饑。可以棲遲。戲區兮狹室。穿漏兮茅茨。
簷直倚而妨帽。戶平行而礙眉。坐帳無鶴。支牀
有龜。鳥多閑暇。花隨四時。心則厯陵枯木。髮則
睢陽亂絲。非夏日而可畏。異秋天而可悲。一寸
二寸之魚。三竿兩竿之竹。雲氣蔭於叢蓍。金精
養於秋菊。棗酸梨酢。桃欬李萸。落葉半牀。狂花
滿屋。名爲埜人之家。是謂愚公之谷。試偃息於

茂林。廼久羨於抽簪。雖有門而長閉。寔無水而
恒沉。三春負鋤相識。五月披裘見尋。問葛洪之
藥性。訪京房之卜林。草無忘憂之意。花無長樂
之心。鳥何事而逐酒。魚何情而聽琴。加以寒暑
異命。乖違惠性。崔駟以不樂損年。吳質以長愁
養病。鎮宅神以薤石。厭山精而照鏡。屢動莊鳥
之喙。幾行魏顥之命。薄晚閑閨。老幼相携。蓬頭
王霸之子。椎髻梁鴻之妻。焦麥兩甕。寒菜一畦。
風騷騷而樹急。天慘慘而雲低。聚空倉而雀噪。

驚懶嬾而蟬嘯。昔草濫於吹噓。藉文言之屢。餽
門有通德。家承賜書。或陪立武之觀。昔參鳳凰
之墟。觀受釐於宣室。賦長楊於直廬。遂乃山崩
川竭。氷碎瓦裂。大盜潛移。長離永滅。推直轡於
三危。碎平途於九折。荆軻有寒水之悲。蘇武有
秋風之別。關山則風月悽愴。隴水則肝腸斷絕。
龜言此地之寒。鶴訝今年之雪。百靈兮倏忽。菁
華兮已晚。不雪鴈門之跼。先念鴻陸之遠。非淮
海兮可變。非金丹兮能轉。不暴骨於龍門。終低

頭於馬坂，諒天造兮昧昧，嗟生民兮渾渾。

春賦

宜春苑中春已歸，披香殿裏作春衣。新年鳥聲
千種囀，二月楊花滿路飛。河陽一縣併是花，金
谷從來滿園樹。一叢香艸足礙人，數尺遊絲卽
橫路。開上林而競入，擁河橋而爭渡。出麗華之
金屋，下飛燕之蘭宮。釵朶多而訝重，髻鬟高而
畏風。眉將柳而爭綠，面共桃而競紅。影來池裏，
花落衫中。苔始綠而藏魚，麥纔青而覆雉。吹簫

弄玉之臺。鳴佩凌波之水。移戚里而家富。入新
豐而酒美。石榴聊泛。蒲桃醲醑。芙蓉玉盃。蓮子
金杯。新芽竹筍。細核楊梅。綠珠捧琴至。文君送
酒來。玉管初調。鳴絃暫撫。陽春淥水之曲。對鳳
廻鸞之舞。更炙笙簧。還移箏柱。月入歌扇。花承
節鼓。協律都尉。射雉中郎。停車小苑。連騎長楊。
金鞍始被。柘弓新張。拂塵看馬埽。分朋入射堂。
馬是天池之龍種。帶乃荆山之玉梁。艷錦安天
鹿。新綾織鳳皇。三日曲水向河津。日晚河邊多

解神樹下流杯客沙頭渡水人。鏤薄窄衫袖穿珠帖領巾。百丈山頭日欲斜。三晡未醉莫還家。池中水影懸勝鏡。屋裏衣香不如花。

七夕賦

兔月先上。羊燈次安。覩牛星之曜景。視織女之闌干。於是秦娥麗妾。趙豔佳人。窈窕名燕。逶迤姓秦。嫌朝妝之半故。憐晚飾之全新。此時併捨房櫳。共往庭中。縷條繫而貫矩。針鼻細而穿空。

蕩子賦

漢子辛苦逐征行，直守長城千里城。隴水恒冰合，關山唯月明。况復空牀起，怨倡婦生離。紗牕獨掩，羅帳長垂。新箏不弄，長笛羞吹。常年桂花，昔日蘭閨。羅敷總髮，美玉初笄。新歌子夜，舊舞前溪。別後關情，無復情。奩前明鏡，不須明。合歡無信寄，迴紋織未成。游塵滿牀，不用拂。細艸橫階，隨意生。前日漢使著章臺，聞道夫婿定應迴。手巾還欲燥，愁眉卽剩開。逆想行人至，迎前含笑來。

竹杖賦

桓宣武平荊州，外白有稱楚邱先生來，詣門下。
宣武曰：「名父之子，流離江漢，孤之責矣。」及命引
進，乃曰：「噫，子老矣！鶴髮雞皮，蓬頭厯齒，迺是江
漢英靈，衡荆杞梓，雖有聞於十室，幸無求於千
里。寡人有銅環靈壽，銀角桃枝，開木瓜而未落，
養蓮花而不萎。迎仙客於錦市，送遊龍於葛陂。
先生將以養老，將以扶危。先生笑而言曰：「中國
明於禮義，闇於知人，心之憂矣。惟我生民，雖復

疎條勁柘促節貞。筠枝端刻鳥。角首圖鸞。豈能
相予此疾。將予此身。若乃世變市朝。年移陵谷。
猿啗鷹厲。風霜慘黷。楚漢爭衡。袁曹競逐。獸食
無草。禽巢無木。於肯無懼而慄。不寒而戰。胡馬
哀吟。羌笳悽囀。親友離絕。妻孥流轉。玉關寄書。
章臺畱釧。寒關悽愴。羈旅悲涼。疏毛抵於增縑。
脆骨被於風霜。髮種種而逾短。眉髟髟而競長。
是以憂幹扶疎。悲條鬱結。宿昔儻醜。俄然耄耄。
變田鳳於承宮。改陽文於醢蔑。潘岳秋興。嵇生

倦遊桓譚不樂吳質長愁竝皆年華未暮容貌
先秋予此衰矣雖然有以非鬼非魅乃心憂矣
未見從心先求順耳伯玉何嗟邱明惟恥拉虎
捭熊余猶稚童觀形察貌子寔悲翁別有九棘
龐眉三槐暮齒孔光謝病袁逢致仕吳渙不朝
楊彪喪子明公此贈或非乖理先生乃歌曰秋
藜促節白藿同心終堪荷蓀自足驅禽一傳大
夏空成鄧林

叩竹杖賦

沉冥子遊巴山之岑，取竹於北陰，嫵媚高節，寂
歷無心。霜風色古，露染斑深。每與龍鍾之族，幽
翳沉沉。文不自殊，質而見賞。蘊諸鳴鳳之律，製
以成龍之杖。拔條勁直，璘斌色滋。和疑輪人之
不重，待羽客以相貽。青春欲暮，白雲來遲。謀於
長者，操以從之。執末而獻，無因自持。諸蔗雖甘，
不可以倚。彼藜雖實，不可以美。未若處不材之
間，當有用之始。魯分以爵，漢錫以年。昔尚爾齒，
今優我賢。書橫几，玉塵筵。則函之以後，拂之以

前爾其摘芳林，沼行樂軒除，間尊卑之垂悅，隨
上下之遊紆。夫寄根江南，蓀蓀幽潭，傳節大夏，
悠悠廣野，豈比夫接君堂上之履，爲君座右之
銘，而得與綺紳瑤珮出芳房於蕙庭。

象戲賦

觀夫造作權輿，皇王厥初，法凝陰於厚惠，仰冲
氣於清虛，於是綠簡既開，丹局直正，理洞研幾，
原窮作聖，若扣洪鐘，如懸明鏡，白鳳遙臨，黃雲
高映，可以變俗移風，可以涖官行政，是以局取

諸乾仍圖上立月輪新滿日暈初圓摸羽林之
華蓋寫明堂之璧泉坤以爲輿剛柔卷舒若方
鏡而無影似空城而未居促成文之畫亡靈龜
之圖馬麗千金之馬符明六甲之符於是摺筭
當次依辰就席回地理於方珪轉天文於圓璧
分荆山之美玉數藍田之珉石南行赤水之符
北使玄山之策居東道而龍青出西關而馬白
旣舒玄象聊定金枰昭日月之光景乘風雲之
性靈取四方之正色用五德之相生從月建而

左轉起黃鍾而順行，陰馘則顧兔先出，陽變則
靈烏獨明。况乃豫遊仁壽，行樂徽音。水影搖日，
花光照林。乍披圖而久玩，或開經而熟尋。雖復
成之於手，終須得之于心。乃有龍燭銜花，金鑪
浮氣。月落桂垂，星斜柳墜。猶豫樞機，嫌疑涇渭。
顧望迴惑，心情怖畏。應對坎而衝離，或當申而
取未。

鏡賦

天河漸沒，日輪將起。燕噪吳王，烏驚御史。玉花

簾上金蓮帳裏始摺屏風新開戶扇朝光晃眼
早風吹面臨桁下而牽衫就箱邊而着釧宿鬟
尚捲殘粧已薄無復屑珠纔餘眉萼靨上星稀
黃中月落鏡臺銀帶本出魏宮能橫却月巧挂
迴風龍垂匣外鳳倚花中鏡迺照膽照心難逢
難值鏤五色之蟠龍刻千年之古字山雞看而
獨舞海鳥見而孤鳴臨水則池中月出照日則
壁土菱生暫設裝奩還抽鏡屨競學生情爭憐
今世鬢齊故略眉平猶剝飛花塼子次第須安

朱開錦跗，黛蘸油檀。脂酥甲煎澤，漬香蘭。量髻
鬢之長短，度安花之相去。懸媚子於搔頭，拭釵
梁于粉絮。梳頭新罷，照着衣還從粧處取。將歸
暫看絃繫，懸知纈縵。衫正身長，裙斜假攢。真成
個鏡，特相宜，不能片時藏匣裏。暫出園中也自
隨。

燈賦

九龍將暝，三爵行棲。瓊鈎半上，若木全低。窗藏
明於粉壁，柳助暗於蘭閨。翡翠珠被，流蘇羽帳。

舒屈膝之屏風掩芙蓉之行障卷衣秦后之妝
送枕荆臺之上乃有百枝同樹四照連盤香添
然蜜氣雜燒蘭燼長宵久光青夜寒秀華掩映
蛭膏照灼動鱗甲於鯨魚燄光芒於鳴鶴蛾飄
則碎花亂下風起則流星細落况復上蘭深夜
中山醕清楚妃畱客韓娥合聲低歌著節游絃
絕鳴輝輝朱燼焰焰紅榮乍九光而連彩或雙花而
竝明寄言蘇季子應知餘照情

對燭賦

龍沙鴈塞甲應寒，天山月沒客衣單。燈前桁衣
疑不亮，月下穿針覺最難。刺取燈花持桂燭，還
却燈檠下燭盤。鑄鳳銜蓮圖龍竝眠，燼高疑數
翦，心濕暫難然。銅荷承淚蠟，鐵鉢染浮煙。本知
雪光能映紙，復訝燈花今得錢。蓮帳寒檠窗拂
曙，筠籠熏火香盈絮。傍垂細溜上燒飛，蛾光清
寒入燄暗。風過楚人纓脫盡，燕君書誤多。夜風
吹香氣，隨釀金苑。芙蓉池，秦皇辟惡不足道。漢
武胡香何物奇，晚星沒芳蕪。歇還持照夜遊，詎

城西園月

枯樹賦

殷仲文風流儒雅、海內知名、代異時移、出爲東陽太守、常忽忽不樂、顧庭槐而嘆曰、此樹婆娑、生意盡矣、至如白鹿貞松、青牛文梓、根柢盤魄、山崖表裏、桂何事而銷亡、桐何爲而半死、昔之三河徙殖、九畹移根、開花建始之殿、落實睢陽之園、聲含嶰谷、曲抱雲門、將雛集鳳、比翼巢鴛、臨風亭而唳鶴、對月峽而嗟猿、乃有拳曲擁腫、

盤坳反覆，熊彪顧盼，魚龍起伏，節監山連，文橫
水蹙，匠石驚視，公輸眩目，雕鐫始就，剗剗仍加，
平麟鏟甲，落角摧牙，重重碎錦，片片真花，紛披
草樹，散亂煙霞。若夫松子古度，平仲君遷，森稍
百頃，槎枿千年。秦則大夫受職，漢則將軍坐焉。
莫不苔埋茵壓，鳥剝蟲穿。或低垂於霜露，或撼頓于
風烟。東海有白木之廟，西河有枯桑之社。北陸
以楊葉爲關，南陵以梅根作冶。小山則藁桂畱
人，扶風則長松繫馬。豈獨城臨細柳之上，塞落

桃林之下若乃山河阻絕飄零離別拔本垂淚
傷根漚血火入空心膏流斷節橫桐口而欹臥
頓山腰而半折文斜者百圍冰碎理正者千尋
瓦裂戴癭銜瘤藏穿抱穴木魅眊眊山精妖孽
況復風雲不感羈旅無歸未能採葛還成食薇
沉淪窮巷蕪沒荆扉旣傷搖落彌嗟變衰淮南
云木葉落長年悲斯之謂矣乃爲歌曰建章三
月火黃河千里槎若非金谷滿園樹卽是河陽
一縣花桓大司馬聞而嘆曰昔年移柳依依漢

南金看搖落。悽愴江潭樹。猶如此。人何以堪。

鴛鴦賦

虞姬小來事魏主。自有歌聲足繞梁。何曾織錦。未肯挑桑。終歸薄命。著罷空牀。見鴛鴦之相學。還歆眼而淚落。南陽漬粉。不復看。京兆新眉。遂嬾約。况復雙心竝翼。馴狎池籠。浮波弄影。刷羽乘風。共飛簷瓦。全開魏宮。俱棲梓樹。堪是韓馮。若乃韓壽欲婚。溫嶠願婦。玉臺不送。胡香未有。必見此之雙飛。覺空牀之難守。

表

賀傳位皇太子表

臣某言伏見二月十九日詔傳位於皇太子、昔
者降居弱水、登庸有優劣之殊、來朝櫟陽、繼體
有君臣之異、不得與夫天之兩日、日之再中、竝
曜聯輝、重明雙照、同年而語矣、伏惟天元皇帝
唯聖作聖、惟親尊親、降意于與能、鳴謙於神龜
欲令百工相和、先聞揖讓之風、天下無爲、早識
吾君之子、是以運獨見之明、行非常之事先天

不違後天而奉皇太子身貞萬國道照四門夙
膺再命之符實允基天之命非關復子明辟異
於遷虞事夏旣損旣益尚或二天爲離爲火何
妨兩日且平陽蒲坂賢臣則二十五人顓頊高
辛才子則一十六族與此計事何遽無成襲乎
鼓之軒乎舞之自當八風通慶雲聚五老同遊
三星運曜豈直雙龍再賜九雉重飛而已哉皇
帝藐然姑射正當乘雲馭龍問道崆峒豈復先
秋木落臣生預堯年時逢舜日覩維新之慶實

倍萬恒情、

賀平鄴都表

泰山梁甫以來。卽有七十二代。龍圖龜書之後。
又已三千餘年。雖復制法樹司。禮殊樂異。至於
文離武落。剡木弦弧。席卷天下之心。包含八荒
之志。其揆一矣。伏惟陛下。握天樞。秉地軸。駕馭
風雲。驅馳龍虎。沉雄內斷。不勞謀於力牧。天策
勇決。無待問於容成。是以威風所振。烈火之遇
鴻毛。旗鼓所臨。衝風之卷秋葉。竊聞伊洛戎夷。

幽并僭僞。抱圖載籍。已歸丞相之府。銜玉繫綬。
竝詣中軍之營。百年逋誅。遂窮巢窟。三代敵怨。
俄然掃蕩。昔周王鮪水之師。尚勞再駕。軒轅上
谷之戰。猶須九伐。未有一朝指麾。獨決神慮。平
定寓內。光宅天下。二十八宿止。餘吳越一星。千
二百國。裁漏麟洲小水。若夫咸康之年。四方始
定。建武之代。諸侯竝朝。不得同年而語矣。雖復
八風竝唱。未足頌其英聲。六樂俱陳。無以歌其
神武。坐釣臺而誓衆。妣啓繼夏禹之功。入商郊。

而問罪。姪發成周文之志。此無改之道。大孝也。
歟。當今鹿臺已散。離宮已遣。兵藏武庫。馬入華
山。立明堂之制。奏大武之樂。盛矣哉。上天降休
未之有也。政須東南一尉。立于比景之南。西北
一候。置于交河之北。然後命東后。詔蒼冥。衢壇
琬碑。銀繩瓊檢。告厥成功。差無慚德。臣忝竊榮
幸。蒞政東藩。不獲躬到闕庭。預觀大慶。不勝鳧
藻踴躍之至。謹遣主簿曹敏奉表以聞。

賀新樂表

臣聞天地順動，則雷出爲豫，聖人成功，則風行有節，故六德在咸池之宮，山谷可調，八風入承雲之奏，人神不雜，我太祖文皇帝體國經野，設官分職，變魏作周，移風正雅，衣裳而朝，萬國珪璧而會，諸侯至如經綸圖籍，校讐烟燼，樂正無缺章，秩宗無廢典，豈但商頌十篇，得諸太師之室，虞書五禮，取於恭王之宮，伏惟皇帝以下武嗣興，中陽繼業，運日月之明，動淵泉之慮，律歷著微，無煩于太史，陰陽咎度，躬定於天官，故得

叅考八音。研精六代。封晉魏爲二王。序殷周爲三恪。雖復朱干玉戚。尚識典刑。素韞纁裳。猶因雄據。未若山雲特起。八卦成形。鳳凰於飛。九州觀德。改金奏于八列。合天元於六舞。聲含擊石。更入登歌。調起初鐘。還叅玉管。足以感天地而通神明。康帝德而光立象。昔者齋居立扈。爲曲在於雲門。師度盟津。習舞歸於山立。遂乃包括三名。克諧一代。作者之謂聖。天之所啓乎。豈惟路鼓靈鼗。空桑孤竹。廣矣大矣。輪焉奭焉。是知

零陵孝廉。空傳玉管。始平太守。虛稱銅尺。臣等
竝預鈞天。同觀張樂。軒墀弘敞。欄檻眺聽。崇牙
業業。猛簏趙趙。翠鳳揚旌。靈鼉樹鼓。杳冥雲霧。
蕩薄邱陵。醴泉與甘露同飛。赤鴈與斑麟俱下。
聘魯請觀。理當見其盛德。適齊忘味。定是知其
盡美。昔淵魚聽曲。尚得聳鱗。櫪馬聞絃。猶能仰
秣。臣等誠愧知音。敢忘悅豫。若使詳其音律。是
所邈然。但能記其鏗鏘。於斯爲幸。不勝慶悅之
誠。謹請朝堂奉表以聞。

請功臣襲封表

臣聞以法施民，必傳祀典；以勞定國，必有承家。
孫叔敖祭酹無聞。有傷良相，汝叔齊肩嗣絕沒。
實貶賢臣。謹案大統十六年格，先有封爵死於
王事絕嗣者，聽以支子繼絕，非死王事，不許承
封前牒。五等功臣皆是勤勞王室，身當患難，扞
禦災禍，翼贊大猷。一日遇疾，身捐館舍，不幸無
肩享祀，便絕於禮，則不足於義，則有傷。未求上
林之獵，已削其侯。不服襜褕之衣，先除其國。伏

惟皇帝崇德旌庸興亡繼絕聞鼓鼙而思將帥
畫雲臺而念舊臣豈有功存社稷而無後可守
事盡忠貞而無祠可祭周於蕃屏爲約事在世
功漢以山河爲誓義存長久臣聞存人之國大
於救人之災立人之後重於封人之墓竊以殷
朝繼及無廢小宗周室興亡貴存身後紹高密
者累葉豈專鄧禹之正胤嗣平陽者重世何必
曹參之嫡孫愚謂生有其勞死非王事雖在支
庶竝聽承襲幸使伯有之魂不能爲厲若敖之

鬼庶其無餒。而幽顯對揚，神人咫尺。

爲杞公讓宗師驃騎表

臣某言。伏見詔書以臣爲使持節驃騎大將軍開府儀同三司宗師中大夫伏奉綸言。心魂震聳。臣聞堯分四岳。是以望秩山川。舜命九官。是以光華日月。必須儀刑以德。明試以功。乃可協和萬邦。咸熙庶績。臣幼無學植。長闕裁成。汭都之門。不能定其章句。雞鹿之塞。無以名其碑碣。憑天漢之派水。附若木之分枝。東岳則朝宿有

名。南宮則門闌有籍。在臣庸劣。久知滿盈。武陽以功臣之重。特拜宗師。東平以母弟之尊。超登上將。臣有何德。能兼此榮。臣早傾廷蔭。曾未扶墻。母氏慈訓。哀矜勞苦。甫及成人。復垂捐棄。幾筵如在。忍離鞠養之恩。終天無報。叩地難任。欲草土邱陵。終身坐域。霜露申履時之感。鷺雀展廻翔之心。不悟天澤沛然。謬垂提拔。當今玉燭調和。既非金革之世。璿璣齊政。豈忘松楸之餘。况復一枝蹊曲。終危九層之臺。一股涔蹄。必傷

千里之駕皇帝欽明文思光宅區宇禮格四木
無容奪臣之志孝治天下自當哀臣此情太宗
爲師更求同姓之國元戎叅乘別選賢能之臣
伏願覽青蒲之奏曲允微誠詔鳳凰之池特收
嚴召則天慈無濫私願獲從臣之容身便當有
地不任荒悚戰懼之誠謹詣朝堂奉表以聞

爲閭將軍乞致仕表

臣聞禮云大夫七十致仕於朝傳家於子膳則
二珍衣稱時制臣自出身奉國四十餘年遭遇

風雲從微至著。太祖文皇帝扶危濟難。奄有關河。臣實無堪。中涓從事。自洛食風塵。河梁旗鼓。華陰有白馬之兵。河曲有黃沙之陣。臣雖用命。不能奇策。功薄賞厚。因人成事。恩澤年表。常以愧心。仰逢周朝。以揖讓登庸。謳歌受命。主貴臣遷。頻煩榮寵。三槐以鑄鼎象物。知其神姦。五等以桓珪飾瑞。守其宮室。臣以何德。兼而有之。况復水土之職。王梁以應讖受徵。兵戈之王。韓信以登壇獨拜。語其連類。臣又何人。方今四海未

甯三方鼎峙。陛下勞心之日。羣公展効之秋。而臣甲子既多。耄年又及。無叅賓客之事。謬達諸侯之班。尸祿素餐。久紊彝典。負乘致寇。徒煩有司。加以寒暑乖違。節宣失序。風水交侵。菁華已竭。雖復廉頗強飯。馬援據鞍。求欲報恩。何能爲役。榮啓期之樂。適足自貽。燭之武之言。無能爲也。特乞解所居官。言從初服。事符骸骨之請。非謀几杖之賜。若臣北陵移病。東臯歸老。山河茅社。一反司勲。公侯珪璧。還封典瑞。則朝無冒位。

之人。臣免妨賢之責。虞氏養老。敢希東序之榮。周朝如荼。豈望西郊之禮。但瞻仰天威。方違咫尺。徘徊城闕。私增悽戀。不任知止之情。

代人乞致仕表

臣聞一葉將隕。甯待於風露。百川皆到。自竭者潢污。臣輒感之。以悲以咽。臣某中謝。臣仲春之末。舊患漸加。雙足頗蹇。四支不利。扶步有邯鄲之失。勉視無離婁之明。安可率此畱務。溷茲恒典。陛下恩周曲成。未忍捐棄微臣。困至于亟。轉

不堪勝。臣所以自咎自傷。淚繼之血。臣特承先緒。進不因入。陛下憫臣無用。舉直而有戇。自奉圖太極宣緯中書。陛下收臣於一心。任臣以獨掌。九年冀登宰輔。八歲載踐宗伯。出擁干旄。入叅衡鏡。或雲臺之上。微臣預疇咨之旨。或日觀之下。詔臣操刊勒之文。美而暢之。臣實尤忝。明憲不敢以纖負立造。竟微于滴助。日月

其媮冰炭。交集誠懷。伏以前陪政事。親荷德音。謂臣等經侍軒墀。子孫尚延保護。臣荷螻

蟻、歛、戴、邱、山、臣、宜、生、亦、盡、命、死、且、陳、力、竊、不、知、
終、而、不、知、止、朝、列、三、數、與、臣、同、儕、臣、未、六、十、推、
臣、則、幼、獨、臣、彌、當、頓、頓、病、不、俟、年、盈、量、窮、涯、滿、
而、招、損、逾、時、每、乖、于、勿、藥、永、日、猶、繫、于、苞、桑、覽、
分、必、然、貪、榮、所、忌、伏、乞、免、臣、見、職、退、畢、餘、生、察、
臣、榮、不、可、支、矜、臣、分、不、能、強、廼、臣、之、幸、也、豈、悟、
仁、壽、之、闡、有、此、一、時、承、明、之、廬、無、緣、再、謁、心、神、
已、弊、晷、刻、增、悲、叨、睿、鑒、則、多、士、莫、先、違、聖、顏、則、
小、臣、何、遠、惟、冀、三、條、啓、道、萬、乘、巡、京、悅、西、怨、之、

羣黎逮東封之從者危魂倘駐枯骨如存是臣之愜非臣所望臣又聞驅奔効駕先輟于羸駘翔集賀成近遺於鍛翮彼尚知暮而況臣哉聞未遑請臣之懇戀至於隳官臣合書罪

爲晉陽公進玉律秤尺斗升表

臣聞三才旣立君臣之道已陳六位時成禮樂之功斯正故以叶和日月測度陰陽悅豫兆人儀刑萬國者也伏惟皇帝應籙馭天披圖受命據太陽而懸像履文昌而建極白環表讓德之

符、立、珪、告、成、功、之、瑞、太、階、既、平、升、中、可、習、必、當、
水、建、千、年、山、稱、萬、歲、伏、見、勅、旨、刊、正、音、律、平、章、
厯、象、奏、黃、鐘、而、歌、大、呂、變、孤、竹、而、舞、雲、門、莫、不、
罷、取、疎、通、聲、從、安、樂、四、分、既、明、三、微、且、定、是、以、
聞、鐘、洛、浦、卽、辨、聲、乖、聽、鐸、邯、鄲、先、知、響、韻、二、分、
二、至、行、于、司、厯、之、官、九、變、九、成、被、於、中、和、之、職、
足、以、動、天、地、感、鬼、神、化、被、風、俗、平、分、寒、暑、豈、直、
吟、嘯、谿、谷、回、翔、鸞、鳳、而、已、哉、是、知、零、陵、廟、前、徒、
尋、舜、管、始、平、城、下、空、論、周、尺、臣、聞、上、制、其、禮、下、

習其儀君定其法臣行其事謹造玉律一具并
玉秤尺斗升合等始得成功至於分粟累黍量
絲數籥實以仰稟聖規參詳神思所冀節移陰
管無勞河內之灰氣動陽鍾不待金門之竹而
琬琰事輕般倕慮淺不足展采成均增輝度量
賁罷奉表以聞

進象經賦表

臣某言臣伏讀聖製象經并觀象戲私心踴躍
不勝抃舞伏以性與天道本絕尋求直以懸諸

日月遂獲瞻仰九州旣奠近對河圖四轍中繩。
全觀玉策未飛玄鶴先聞金石之聲不上赤城。
獨見烟霞之氣置管而測光景愈高沉玉而觀。
淵泉益遠寢不自涯課虛爲賦詞非寥亮學無。
雕刻遂敢陳述誠爲厚顏况復日之遠近本非。
童子所問天之渾蓋豈是書生所談冒用奏聞。
伏增流汗之至

齊王進蒼烏表

臣聞飛南陽之雉尚闡霸圖下建章之鵠猶調

和氣。况乃虞庭告瑞，姬社呈祥。威高識哺之心，
實貴能知之性。伏惟皇帝陛下，德教百姓，孝刑
四海，攝提從紀，天下文明。是以東海輪禽，乍改
黔質；西山度羽，或變蒼精。臣去月三十日，行到
陝州，獲大都督莫回仁樂列，稱於射堂內見一蒼
鳥，林薄回翔，循環不去。駐乘木之精，轉司風之
翼。斯實禮敬所覃，孝慈之感。理宜歸瑞，秘圖書
祥。帝冊用光，至德取効。升平無令赤鳳留止，偏
爲瘞玉之歌。立鶴徘徊，獨擅銜珠之舞。

齊王進白兔表


臣聞輿圖欲遠。則玉虎晨鳴。轍迹方開。則銀麀
入貢。伏惟陛下明明在上。翼翼居尊。德動天關。
威移地軸。是以風煙照燭。毛羽禎祥。史不絕書。
府無虛日。臣受服元戎。用綏邊鄙。轅門所屆。始
次熊山。前茅慮無。乃獲白兔。光鮮越雉。色麗秦
狐。月德符徵。金精表瑞。呈祥輿頌。効異披圖。尊
敬之迹。旣明。應事之機。斯兆。臣之龔行。實從陝
略。瑞以素質。彌雄西氣。庶重承廟算。方事申威。

揜代偃齊分韓裂趙不任鳧藻踴躍之情

齊王進赤雀表

臣聞南陽雉飛尚論秦霸建章鵠下猶明漢德
當今天不愛寶地必呈祥自應長樂觀符文昌
啓瑞伏惟皇帝欽明文思劬勞成務厯象日月
允釐百工海水無波天星不動去四月十三日
獲隴右符府叅軍李暉牒稱戶屬秦州清水郡
伯陽縣文谷林在家庭獲一赤雀光同朱鳳色
類丹鳥降火飛精似入公車之府流金成製若

上凌雲之臺。謹按赤雀銜書。止于鄠戶。周之受命。興乎此祥。卽事所觀。同符合契。實可圖形。瑞譜。書頌儒林。事足成臺。名堪紀號。豈直雲中太守。見赤心之奉主。蓬萊童子。知白環之報恩。臣等預觀休徵。情迫恒慶。不任鳬藻之至。



39